



Broj: 02-05-2956/17
Lukavac, 31.01.2018.godine

Na osnovu člana 70. stav (1) Zakona o javnim nabavkama („Službeni glasnik BiH“, broj 39/14), a na Preporuku Komisije za provođenje postupka javne nabavke broj: 02-05-2956/17 od 22.01.2018. godine o izboru najpovoljnijeg ponuđača u postupku javne nabavke radova: „Proširenje vrelvodne mreže u zapadnom dijelu grada Lukavca u ulici Školska“, Općinski načelnik donosi

ODLUKU

o izboru najpovoljnijeg ponuđača za nabavku radova: „Proširenje vrelvodne mreže u zapadnom dijelu grada Lukavca u ulici Školska“

Član 1.

Prihvata se Preporuka Komisije za provođenje postupka javne nabavke broj: 02-05-2956/17 od 22.01.2018. godine, o izboru najpovoljnijeg ponuđača, donesena u otvorenom postupku, po obavještenju broj: 719-1-3-110-3-72/17.

Član 2.

U skladu sa Preporukom iz prethodne tačke, za najpovoljnijeg ponuđača u postupku javne nabavke radova: „Proširenje vrelvodne mreže u zapadnom dijelu grada Lukavca u ulici Školska“ (u daljem tekstu: predmetni postupak), izabran je ponuđač „VODO-INS“ d.o.o. Tuzla (u daljem tekstu: Izabrani ponuđač).

Član 3.

Ugovor za radove iz predmetnog postupka se dodjeljuje Izabranom ponuđaču prema ponudi broj: 497/2017 od 29.12.2017. godine, za ponuđenu cijenu u vrijednosti od 114.745,04 KM, bez PDV-a, kao najpovoljnijem ponuđaču.

Član 4.

Prijedlog ugovora bit će dostavljen na potpis Izabranom ponuđaču nakon isteka roka od 15 (petnaest) dana, računajući od dana kada Izabrani ponuđač bude obaviještena o izboru najpovoljnije ponude.

Član 5.

Izabrani ponuđač je dužan da, u roku od 7 (sedam) dana od dana prijema ove Odluke, dostavi Općini Lukavac, kao ugovornom organu, slijedeće dokaze:

1. Dokumenta iz člana 45. stav (2), tačke a), b), c) i d) Zakona o javnim nabavkama BiH („Službeni glasnik BiH“, broj 39/14)-(u daljem tekstu: Zakon), i tačke 12.2., podtačke a), b), c) i d) Tenderske dokumentacije broj: 02-05-2956/17 (lična sposobnost);
2. Dokumenta iz člana 47. stav (1) tačka a) Zakona, a koji su navedeni i u tački 13.2.4. Tenderske dokumentacije broj: 02-05-2956/17 (ekonomska i finansijska sposobnost);
3. Potvrdu poreske uprave o broju uposlenih/lista osiguranih lica, koja ne smije biti starija od tri mjeseca računajući od trenutka predaje ponude – dokaz iz člana 51. Zakona naveden u tački 13.3.4 Tenderske dokumentacije broj: 02-05-2956/17 (tehnička i profesionalna sposobnost);

Dokazi iz tačke 1., 2. i 3. ovog člana moraju biti originali ili ovjerene kopije i ne smiju biti stariji od 3 (tri) mjeseca računajući od dana predaje ponude.

Strana 1 od 3



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

Član 6.

Ukoliko Izabrani ponuđač ne dostavi dokaze iz prethodnog člana ove Odluke u ostavljnom roku i na način propisan Zakonom i Tenderskom dokumentacijom, ugovorni organ će poništiti postupak nabavke.

Član 7.

Ova Odluka bit će objavljena na intrenet stranici Općine Lukavac (www.lukavac.ba) istovremeno sa upućivanjem Odluke Izabranom ponuđaču.

Odluka će biti dostavljena Izabranom ponuđaču uz obavještenje o rezultatima postupka i sa zapisnikom o ocjeni ponuda.

Član 8.

Ova Odluka stupa na snagu danom donošenja.

Obrazloženje

Postupak javne nabavke radova: „Proširenje vrelvodne mreže u zapadnom dijelu grada Lukavca u ulici Školska“, pokrenut je Odlukom o pokretanju postupka javne nabavke broj: 02-02-1-2955/17 od 11.12.2017. godine.

Obavještenje o nabavci broj: 719-1-3-110-3-72/17 objavljeno je na Portalu javnih nabavki dana 12.12.2017. godine i u „Službenom glasniku BiH“, broj 89/17, dana 15.12.2017. godine.

Javna nabavka je provedena u otvorenom postupku.

Procjenjena vrijednost javne nabavke za predmetni postupak iznosi 114.817,00 KM (bez uključenog PDV-a), a kriterij za dodjelu ugovora je najniža cijena.

Za provođenje postupka javne nabavke, imenovana je Komisija Rješenjem broj: 02-05-3034/17 od 18.12.2017. godine.

Komisija je provela postupak i o provedenom postupku sačinila odgovarajuće zapisnike i druge akte.

O svom radu i provedenom postupku Komisija je dostavila Općinskom načelniku: Zapisnik o pregledu i ocjeni ponuda broj: 02-05-2956/17 od 22.01.2018. godine; Preporuku o izboru najpovoljnijeg ponuđača broj: 02-05-2956/17 od 22.01.2018. godine i Izvještaj o radu broj: 02-05-2956/17 od 22.01.2018. godine sa priložima.

Uvidom u dostavljene akte utvrđeno je slijedeće:

- da je Komisija blagovremeno i pravilno izvršila otvaranje, pregled i ocjenu pristiglih ponuda;
- da je u predmetnom postupku primljena jedna ponuda i to: „VODO-INS“ d.o.o. Tuzla;
- da ponuda primljena blagovremeno;
- da nije bilo neblagovremeno primljenih ponuda;
- da je ponuda ponuđača: „VODO-INS“ d.o.o. Tuzla kvalifikovana i prihvatljiva, iz razloga što su na propisan način dostavljeni svi dokazi propisani i traženi tenderskom dokumentacijom;
- da procijenjena vrijednost nabavke bez uključenog PDV-a iznosi 114.817,00 KM;
- da je kriterij za dodjelu ugovora najniža cijena;
- da je ponuđač „VODO-INS“ d.o.o. Tuzla dostavio prihvatljivu ponudu sa cijenom u iznosu od 114.745,04 KM, bez PDV-a;
- da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponude, u skladu sa kriterijima iz Tenderske dokumentacije;
- da je Komisija u svemu pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom;
- da u postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Na osnovu naprijed navedenog utvrđeno je da se može prihvatiti Preporuka Komisije za provođenje postupka javne nabavke broj: 02-05-2956/17 od 22.01.2018. godine o izboru najpovoljnijeg ponuđača i da se ugovor za radove „Proširenje vrelvodne mreže u zapadnom dijelu grada Lukavca u ulici Školska“, može dodijeliti „VODO-INS“ d.o.o. Tuzla, kao najpovoljnijem ponuđaču.

O sadržaju dispozitiva Odluke i obavezama najpovoljnijeg ponuđača i ugovornog organa odlučeno je u skladu sa odredbama članova Zakona o javnim nabavkama („Službeni glasnik BiH“, broj 39/14): članom 25. stav (1) tačka b); članom 35.; članovima 45. i 47.; članom 70. stavovi (1), (3) i (6); članom 71. stav (2) i članom 72. stavovi (1) i (3) i odredbama člana 8. stav (1) tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14).

Iz navedenih razloga, primjenom člana 64. stav (1) tačka b) Zakona o javnim nabavkama („Službeni glasnik BiH“, broj 39/14) i člana 8. stav (1) tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14), riješeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se predaje ugovornom organu, direktno ili preporučenom poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi Bosne i Hercegovine-Filijala Mostar.

Žalba se podnosi u pisanoj formi u najmanje tri primjerka.

Na žalbu se plaća administrativna taksa u iznosu i na način propisan članom 108. Zakona o javnim nabavkama („Službeni glasnik BiH“, broj 39/14).

Obrađivač
sekretar Komisije
E.B.



OPĆINSKI NAČELNIK
Dr. Sc. Edin Delić

Dostaviti:

1. „VODO-INS“ d.o.o. Tuzla, ulica II Tuzlanske brigade broj 66, 75000 Tuzla,
2. Evidenciji,
3. Arhivi.